



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Broj: 02-11-14182-2/25
Zenica, 21.08.2025. godine

Na osnovu člana 68. stav 4. tačka i) i člana 70. stav 1., 3. i 6. Zakona o javnim nabavkama («Službeni glasnik BiH», broj: 39/14, 59/22, 50/24), na prijedlog Službe kabineta gradonačelnika, Gradonačelnik grada Zenica donosi:

ODLUKU

o izboru najpovoljnijeg ponuđača za izradu ekspertize sanacije požarišta Crkvičko brdo

Po provedenom otvorenom postupku za dostavu ponuda, za izradu ekspertize sanacije požarišta Crkvičko brdo, objavljenog na portalu javnih nabavki, broj: 1355-1-2-92-3-132/25 od 09.07.2025. godine, za najpovoljnijeg ponuđača izabran je:

Građevinski institut d.o.o. Banja Luka

Obrazloženje

Po provedenom otvorenom postupku za dostavu ponuda, za izradu ekspertize sanacije požarišta Crkvičko brdo, učestvovala su dva ponuđača:

1. Rudarski institut d.o.o. Tuzla
2. Građevinski institut d.o.o. Banja Luka

Tačkom 3.3. dio b) tenderske dokumentacije propisano je da u svrhu dokazivanja tehničke i profesionalne sposobnosti ponuđač je dužan dostaviti:

„b) izjavu Izvršioca da ima uposlenog ili angažovanog najmanje jednog diplomiranog inženjera geologije ili inženjera rudarstva sa položenim stručnim ispitom (Aneks IV). Kao dokaz priložiti ovjerenu kopiju diplome diplomiranog inženjera geologije ili rudarstva sa ovjerenom kopijom položenog stručnog ispita, kao i dokaz o angažovanju (original ili ovjerena kopija).“

Ponuđač Rudarski institut d.o.o. Tuzla u svojoj ponudi nije dostavio dokaz o angažovanju jednog diplomiranog inženjera geologije ili inženjera rudarstva u svrhu realizacije ugovora, kako je zahtjevano tačkom 3.3. tenderske dokumentacije, stoga se njegova ponuda odbacuje u skladu sa čl. 68 stav 4) tačka i) ZJN.

Ponuda ponuđača Građevinski institut d.o.o. Banja Luka ispunjava sve uslove iz tenderske dokumentacije.

Procijenjena vrijednost za javnu nabavku iznosila je 33.500,00 KM bez PDV-a.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Procjena ponuda i rangiranje dati su u Zapisniku Komisije broj: 11-11-14182-9/25 od 20.08.2025. godine, a izvršeni su na osnovu Poslovnika o radu komisije, broj: 11-11-14182/25 od dana 04.07.2025. godine.

S obzirom da je za izradu ekspertize sanacije požarišta Crkvičko brdo dostavljena samo jedna prihvatljiva ponuda, za isti se e-aukcija neće provesti shodno članu 4. stav 2) Pravilnika o uslovima i načinu provođenja e-aukcije i tenderskom dokumentacijom.

Iz navedenog Zapisnika proizilazi da je ponuđač bodovan kako slijedi:

R.B.	Naziv ponuđača	Cijena u KM bez PDV-a	Bodovi
1.	Građevinski institut d.o.o. Banja Luka, Ada 24, 78000 Banja Luka, ID: 4404199850006	23.400,00 KM	100

Ugovorni organ je izvršio izbor najpovoljnijeg ponuđača Građevinski institut d.o.o. Banja Luka, na osnovu bodovanja koje je izvršila Komisija formirana od strane Ugovornog organa, Rješenjem broj: 02-11-14182-1/25 od 04.07.2025. godine.

Ponuđač koji je izabran kao najpovoljniji, dužan je u roku od 5 (pet) dana od prijema ove Odluke o izboru najpovoljnijeg ponuđača dostaviti dokumentaciju iz člana 45. Zakona o javnim nabavkama, kao što je navedeno u tački 3.4. tenderske dokumentacije.

Na osnovu izloženog, odlučeno je kao u dispozitivu.

Pouka o pravnom lijeku

Protiv ove Odluke može se izjaviti žalba Uredu za razmatranje žalbi, putem Ugovornog organa: Grad Zenica, Služba kabineta Gradonačelnika, Trg BiH 6, 72 000 Zenica, u roku od 10 (deset) dana od dana prijema Odluke.

Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu.

Žalba se podnosi neposredno Ugovornom organu u pisanoj formi.

Dostavljeno:

2 x Ponuđači

1 x Tenderska dokumentacija

1 x Služba kabineta Gradonačelnika

1 x a/a



GRADONAČELNIK ZENICE

Fuad Kasumović